

nostri : * in quibus visitavit nos,
oriens ex alto :

Illuminare his, qui in tenebris,
et in umbra mortis sedent :
* ad dirigendos pedes nostros in
viam pacis.

Glória Patri. Sicut erat.

Añã. Ego sum panis vivus, qui
de cœlo descendi : si quis man-
ducaverit ex hoc pane, vivet in
aeternum, allelúia.

ŷ. Dóminus vobiscum. **℞.** Et
cum spiritu tuo.

Orémus. **Oratio.**

DEUS, qui nobis sub Sacraménto
mirabili, passiõnis tuæ me-
móriam reliquisti : tríbe quæ-
sumus ; ita nos Córporis et Sán-
guinis tui sacra mystéria vene-
rari, ut redemptionis tuæ fru-
ctum in nobis júgiter sentiámus :
Qui vivis et regnas cum Deo Pa-
tre in unitate Spíritus sancti
Deus, per ómnia sæcula sæculó-
rum. **℞.** Amen.

ŷ. Dóminus vobiscum. **etc.** 20.

AD PRIMAM.

Pater noster. Ave María. Credo.
ŷ. Deus, in adiutorium. **etc.** 9.

Hymnus.

JAM lucis orto sidere
Deum precémur súpplīces,
Ut in diúrnis áctibus
Nos servet a nocéntibus.
Linguam refrænans tēperet,
Ne litis horror ínsonet :
Visum fovéndo cóntegat,
Ne vanitátes háurīat.
Sint pura cordis íntima
Absístat et vecórdia :
Carnis terat supérbiam
Potus cibique párcitas.
Ut cum dies abscésserit,
Noctémque sors redúxerit,
Mundi per abstinéntiam
Ipsi canámus glóriam.
Jesu, tibi sit glória,
Qui natus es de Vírgine,
Cum Patre, et almo Spírītu,
In sempitérna sæcula.
Amen.

Añã. Sapiéntia.

Psalmus 53.

DEUS, in nómine tuo salvum me fac : * et in virtúte tua júdica me.

Deus, exáudi oratiónem meam : * áuribus pércipe verba oris mei.

Quóniam aliéni insurrexérunt advérsus me, et fortes quæsiérunt ánimam meam : * et non proposuérunt Deum ante conspéctum suum.

Ecce enim Deus ádjuvat me : * et Dóminus suscep'tor est ánimæ meæ.

Avérte mala inimícis meis : * et in veritáte tua dispérde illos.

Voluntárie sacrificábo tibi, * et confitébor nómini tuo, Dómine : quóniam bonum est.

Quóniam ex omni tribulatióne eripuísti me : * et super inimícos meos despéxit óculus meus.

Psalmus 118.

BEATI immaculáti in via, * qui ámbulant in lege Dómini.

Beáti, qui scrutántur testimónia ejus : * in toto corde exquisérunt eum.

Non enim qui operántur iniquitátem * in viis ejus ambulavérunt.

Tu mandásti * mandáta tua custodiri nimis.

Utinam dirigántur viæ meæ * ad custodiédas justificatiónes tuas.

Tunc non confúndar, * cum perspéxero in ómnibus mandátis tuis.

Confitébor tibi in directi óne cordis : * in eo quod didici júdicia justítiæ tuæ.

Justificatiónes tuas custódiam : * non me derelínquas usquequaque.

In quo córrigit adolescéntior viam suam? * in custodiédo sermónes tuos.

In toto corde meo exquisíte : * ne repéllas me a mandátis tuis.

In corde meo abscondi elóquia tua : * ut non peccem tibi.

Benedictus es, Dómine : * doce me justificatiónes tuas.

In lábiis meis * pronuntiávi ómnia júdicia oris tui.

In via testimoniórum tuórum delectátus sum, * sicut in ómnibus divítiis.

In mandátis tuis exercébor : * et considerábo vias tuas.

In justificatió nibus tuis meditábor : * non oblivíscar sermónes tuos.

RETRIBUE servo tuo, vivífica me : * et custódiám sermónes tuos.

Revéla óculos meos : * et considerábo mirabília de lege tua.

Incola ego sum in terra : * non abscondas a me mandáta tua.

Concupívit ánima mea desideráre justificatiónes tuas * in omni témpore.

Increpásti supérbos : * maledícti qui declínant a mandátis tuis.

Aufer a me oppróbrium, et contéptum : * quia testimónia tua exquisívi.

Etenim sedérunt príncipes, et advérsus me loquebántur : * servus autem tuus exercebátur in justificatió nibus tuis.

Nam et testimónia tua meditá tio mea est : * et consílium meum justificatiónes tuæ.

Adhæsit paviménto ánima mea : * vivífica me secúndum verbum tuum.

Vias meas enuntiávi, et exaudísti me : * doce me justificatiónes tuas.

Viam justificatiónum tuárum ínstrue me : * et exercébor in mirabílibus tuis.

Dormitávit ánima mea præ tædio : * confírma me in verbis tuis.

Viam iniquitátis ámove a me ; * et de lege tua miserére mei.

Viam veritátis elégi : * júdicia tua non sum oblítus.

Adhæsi testimoniis tuis, Dómine : * noli me confundere.

Viam mandatorum tuorum cucurri : * cum dilatasti cor meum.

Añã. Sapiéntia ædificávit sibi domum, míscuit vinum, et pòsuit mensam, allelúia.

Capitulum. 1. *Tim.* 1. d.

Regi sæculórum immortalí et invisíbili, soli Deo honor et glória in sæcula sæculórum. Amen. **R.** Deo grátias.

R. br. Christe Fili Dei vivi, * Miserére nobis. **Et repetitur** Christe Fili Dei vivi, miserére nobis. **V.** Qui natus es de María Vírgine. **R.** Miserére nobis. **V.** Glória Patri, et Fílio, et Spíritui sancto. **R.** Christe, Fili Dei vivi, miserére nobis.

V. Exsúrge, Christe, ádjuva nos. **R.** Et libera nos propter nomen tuum.

V. Dóminus vobíscum. **R.** Et cum spíritu tuo.

Orémus. **Oratio.**

DOMINE Deus, omnipotens, qui ad princípium hujus diéi nos pervenire fecisti : tua nos hódie salva virtúte ; ut in hac die ad nullum declinémus peccátum, sed semper ad tuam justítiam faciéndam nostra procédant elóquia, dirigántur cogitatiónes et ópera. Per Dóminum nostrum.

R. Amen.

V. Dóminus vobíscum. **R.** Et cum spíritu tuo.

V. Benedicámus Dómino. **R.** Deo grátias.

Deinde in choro legitur Martyrologium.

Postea Hebdomadarius dicit :

V. Pretiósã in conspéctu Dómini. **R.** Mors sanctorum ejus.

Et absolute sine Orémus.

Oratio.

SANCTA María, et omnes Sancti intercédant pro nobis ad Dóminum : ut nos mereámur ab eo adjuvári et salvári, qui vivit et

regnat in sæcula sæculórum. *R.*
Amen.

V. Deus, in adiutorium meum
intende. *R.* Dómine, ad adjuvándum
me festína.

V. Deus, in adiutorium meum
intende. *R.* Dómine, ad adjuvándum
me festína.

V. Deus, in adiutorium meum
intende. *R.* Dómine, ad adjuvándum
me festína.

V. Glória Patri, et Fílio, et Spi-
ritui Sancto. *R.* Sicut erat in prin-
cípio, et nunc, et semper, et in
sæcula sæculórum. Amen.

Kyrie, eléison. Christe, eléison.
*Kyrie, eléison. Pater noster. se-
creto.*

V. Et ne nos indúcas in tenta-
tiónem. *R.* Sed libera nos a ma-
lo.

V. Réspice in servos tuos, Dó-
mine, et in ópera tua, et dirige
filios eórum. *R.* Et sit splendor
Dómini Dei nostri super nos, et
ópera mánuum nostrárum dirige

super nos, et opus mánuum no-
strárum dirige.

V. Glória Patri, et Fílio, et Spi-
ritui sancto. *R.* Sicut erat in prin-
cípio, et nunc, et semper, et in
sæcula sæculórum. Amen.

Orémus. *Oratio.*

DIRIGERE et sanctificáre, régere
et gubernáre dignáre, Dómine
Deus Rex cœli et terræ, hódie
corda et córpora nostra, sensus,
sermónes, et actus nostros in le-
ge tua, et in opéribus mandató-
rum tuórum : ut hic, et in ætér-
num, te auxiliánte, salvi et líberi
esse mereámur, Salvátor mundi :
Qui vivis et regnas in sæcula sæ-
culórum. *R.* Amen.

V. Jube, domne, benedícere.

Benedictio. Dies et actus no-
stros in sua pace dispónat Dómi-
nus omnipotens. *R.* Amen.

Lectio brevis. 1. Cor. 11.

QUICUMQUE manducáverit pa-
nem hunc, vel bíberit cálicem
Dómini indígne, reus erit córpo-

ris et Sanguinis Dómini. Tu autem, Dómine, miserere nobis. **R.** Deo grátias.

V. Adjutórium nostrum in nómine Dómini. **R.** Qui fecit cœlum et terram.

V. Benedícite. **R.** Deus.

Benedictio. Dóminus nos benedícat, et ab omni malo deféndat, et ad vitam perdúcat ætérnam : et Fidélium animæ per misericórdiam Dei requiêscant in pace.

R. Amen.

AD TERTIAM.

Pater noster. Ave María.

V. Deus, in adjutórium. 9.

Hymnus.

NUNC sancte nobis Spíritus,
Unum Patri cum Filio,
Dignare promptus ingeri
Nostro refúsus pectori.

Os, lingua, meñs, sensus, vigor,
Confessiõnem pèrsonent,
Flamméscat igne caritas :
Accéndat ardor próximos.

Jesu, tibi sit glória,

Qui natus es de Vírgine,
Cum Patre, et almo Spíritu,
In sempitérna sæcula. Amen.

Ant. Angelórum esca.

Psalmus.

LEGEM pone mihi, Dómine, viam
justificatiónum tuárum : * et
exquíram eam semper.

Da mihi intelléctum, et scrutabor legem tuam : * et custodiam illam in toto corde meo.

Deduc me in sémitam mandatórum tuórum : * quia ipsam volui.

Inclína cor meum in testimónia tua : * et non in avarítiam.

Avérte óculos meos ne vídeant vanitatem : * in via tua vivífica me.

Státue servo tuo elóquium tuum * in timóre tuo.

Amputa oppróbrium meum ,
quod suspicátus sum : * quia júdícia tua jucúnda.

Ecce concupívi mandáta tua : *
in æquitáte tua vivífica me.

Et véniat super me misericórdia tua, Dómine : * salutáre tuum secúndum elóquium tuum.

Et respondébo exprobrántibus mihi verbum : * quia sperávi in sermónibus tuis.

Et ne áuferas de ore meo verbum veritátis usquequáque : * quia in judiciis tuis supersperávi.

Et custódiam legem tuam semper : * in sæculum et in sæculum sæculi.

Et ambulábam in latitúdine : * quia mandáta tua exquisívi.

Et loquébar in testimoniis tuis in conspéctu regum : * et non confundébar.

Et meditábar in mandátis tuis, * quæ diléxi.

Et levávi manus meas ad mandáta tua, quæ diléxi : * et exercébar in justificatióibus tuis.

MEMOR esto verbi tui servo tuo, * in quo mihi spem dedísti.

Hæc me consoláta est in humi-

litate mea : * quia elóquium tuum vivificávit me.

Supérbi inique agébant usquequáque : * a lege autem tua non declinávi.

Memor fui judiciórum tuórum a sæculo, Dómine : * et consolátus sum.

Deféctio ténuit me, * pro peccatóribus derelinquéntibus legem tuam.

Cantábiles mihi erant justificatiónes tuæ, * in loco peregrinatiónis meæ.

Memor fui nocte nóminis tui, Dómine : * et custodívi legem tuam.

Hæc facta est mihi : * quia justificatiónes tuas exquisívi.

Pórtio mea, Dómine, * dixi custodíre legem tuam.

Deprecátus sum fáciem tuam in toto corde meo : * miserére mei secúndum elóquium tuum.

Cogitávi vias meas, * et convérsti pedes meos in testimónia tua.

Parátus sum, et non sum turbátus, * ut custódiam mandáta tua.

Funes peccatórum circumpléxi sunt me, * et legem tuam non sum oblítus.

Média nocte surgébam ad confiténdum tibi, * super iudícia justificatiónis tuæ.

Párticeps ego sum ómnium tímentium te, * et custodiéntium mandáta tua.

Misericórdia tua, Dómine, plena est terra : * justificatiónes tuas doce me.

BONITATEM fecisti cum servo tuo, Dómine, * secúndum verbum tuum.

Bonitátem, et disciplínam, et sciéntiam doce me : * quia mandátis tuis crédidi.

Priúsquam humiliárer ego delíqui : * proptérea elóquium tuum custodívi.

Bonus es tu : * et in bonitáte tua doce me justificatiónes tuas.

Multiplicáta est super me iniquitas superbórum : * ego autem in toto corde meo scrutábor mandáta tua.

Coagulátum est sicut lac cor eórum : * ego vero legem tuam meditátus sum.

Bonum mihi quia humiliásti me : * ut discam justificatiónes tuas.

Bonum mihi lex oris tui * super míllia auri et argénti.

Manus tuæ fecérunt me, et plasmavérunt me : * da mihi intellectum, et discam mandáta tua.

Qui tíment te, vidébunt me, et lætabúntur : * quia in verba tua supersperávi.

Cognóvi, Dómine, quia æquitas iudícia tua : * et in veritáte tua humiliásti me.

Fiat misericórdia tua ut consolétur me, * secúndum elóquium tuum servo tuo.

Véniant mihi miseratiónes tuæ,

et vivam : * quia lex tua meditatio mea est.

Confundantur superbi, quia iniuste iniquitatem fecerunt in me : * ego autem exercēbor in mandatis tuis.

Convertantur mihi timētes te, * et qui novērunt testimonia tua.

Fiat cor meum immaculatum in justificatiōibus tuis : * ut non confundar.

Añā. Angelorum esca nutriti pópulum tuum, et panem de cœlo præstitisti eis, allelúia.

Capitulum. 1. *Cor.* 11.

FRATRES : Ego enim accēpi a Dómino, quod et tradidi vobis, quóniam Dóminus Jesus in qua nocte tradebátur, accēpit panem, et grátias agens fregit, et dixit : Accípите, et manducáte : Hoc est Corpus meum, quod pro vobis tradétur : hoc fácite in meam commemoratiōnem. **R.** Deo grátias.

R. br. Panem cœli dedit eis, * Allelúia, allelúia. Panem cœli

dedit eis, allelúia, allelúia. **V.** Panem Angelorum manducávit homo. Allelúia, allelúia. **Gloria** Patri, et Fílio, et Spirítui sancto. Panem cœli dedit eis, allelúia, allelúia.

V. Cibávit illos ex ádipe fruménti, allelúia. **R.** Et de petra, melle saturávit eos, allelúia.

V. Dóminus vobiscum. **R.** Et cum spírítu tuo.

Orémus. Oratio.

DEUS, qui nobis sub Sacraménto mirábili, passiōis tuæ memoriā reliquisti : tríbue quæsumus ; ita nos Córporis et Sanguinis tui sacra mystéria venerári, ut redemptiōnis tuæ fructum in nobis júgiter sentiámus : Qui vivis et regnas cum Deo Patre in unitáte Spírítus sancti Deus, per ómnia sæcula sæculórum. **R.** Amen.

V. Dóminus vobiscum. *etc.* 20.

AD SEXTAM.

Pater noster. Ave María.